



## PARTII INUIT INATSISARTUNI

**Partii Inuit**

**UKA 2013/83-1**

**Randi Broberg**

**17.10.2013**

Una pillugu siunnersuut: Dansk Institut for Internationale Studier, DIIS, pillugu inatsisip Kalaallit Nunaannut atortuulersinneqarnissaanut Naalakkersuisut peqquneqarnissaannut  
Inatsisartut aalajangiiffigisassaattut siunnersuut, tassa imaalisinnaanngorlugu Inatsisartut  
Naalakkersuisullu DIIS-miit nalunaarutinik nassuiaatinillu piniarsinnaanngorlugit,  
**Inatsisartut Naalakkersuisullu DIIS-imik atuisinnaanerat annertusarlugu.**

(Inatsisartunut ilaasortaq Sara Olsvig, Inuit Ataqatigiit)

Partii Inuit siunnersummi maluginiarpaat ujartorneqartoq *nunarsuarmioqataaneq pillugu danskit ilisimatusarfiat*, naalisarlugu DIIS’i pillugu Danmark’imi inatsisitigut allannguisimaneq, Kalaallit Nunaannut aamma atuutilersinniarlugu, Naalakkersuisunit suliniuteqarneq aallartinneqassasoq.

Aammattaaq Partii Inuit maluginiarparput Naalakkersuisut akissuteqaamminni taagaat *nunarsuarmioqataaneq pillugu danskit ilisimatusarfiat* (DIIS) siunissami annertunerusumik atorneqarnissaa – Nunatta tungaaniit nammineq imissuteqartarneq ilaatigut aqqutigalugu.

Kiisalu Partii Inuit maluginiarpaat, ullumikkut *nunarsuarmioqataaneq pillugu danskit ilisimatusarfiat* (DIIS) ullumikkut qanorpiaq atorneqarsinnaatiginersoq qulaajaavagineqarusouttoq, ilaatigut ullumikkut Folketing’imut ilaasortaatitat-, Nunatsinni suliniaqatigiiffit naalakkersuinermut attuumassuteqanngitsut-, minnerunngitsumillu Naalakkersuisut aqqutigalugit.

Illuatungaatigullu Naalakkersuisut soqutigisarigaat, ilisimatusarnermi Ilisimatusarfiup qitiusumik inissisimatinniartuarnissaa.

Qulaani taaneqartut tunngavigalugit, Partii Inuit isumaqarput naalakkersuisut inassuteqaataat tunngaviusumik isumaqatiginartoq. Tassanimi eqqaamasariaqarpooq *nunarsuarmioqataaneq pillugu danskit ilisimatusarfiat* (DIIS), soorngunami aamma Danmark'ip soqtigisai aallutarimmagitt, taamaattumillu qitiulluinnartoq eqqumaffigissallugu, apeqqummik aaliangersimasumik aallaaveqarluni qulaajaavigisat imal. ilisimatusaatsit, minnerpaamik isinit assigiinngitsunit marlunnit qulaajaavagineqarsimanissaat.

Ilisimatusarfiup qitiusutut inissimatittuarnissaanik pillugu Naalakkersuisut soqtigisaat pillugu Partii Inuit isumaqataapput. Tassungali atatillugu erseqqissaateqarnissaq pisariaqarsorinarpooq;

Siullertut paasissutinik tunisassiornermi Ilisimatusarfiup qitiusutut inissisimanissaai pillugu Partii Inuit tungaannit erseqqissaatigissavarput, ullumikkut Ilisimatusarfimmi pissutsit eqqarsaatigalugit, ajuusaarnaqisumik uagut nunaqavissuuusugut kalaallisullu oqaaseqartuusugut Ilisimatusarfiup silarsuaanut iseqquaannginnatta ilisimasanullu mattussaaqqagatta, taamalu danskisut / tuluttut oqaasillit kisimik atuisussatut pisinnaatitaaffeqarnerat Partii Inuit tungaannit akuersaarneqarsinnaanngimmat. Tamannalu Naalakkersuinikkut aaqqiivigineqassasoq erseqqissumik ujartorparput.

Aappaattut Partii Inuit pingaartipparput ilisimatusarnermut ilinniagallit kalaallisut oqaasillit amerlisarneqarnissaat eqqarsaatigalugu iliuusissatut pilersaaruteqarnissaq eqqarsaatigalugu, Ilisimatusarfiup inerisaavigneranut taputartuuttariaqartoq.

Pingajuattut Partii Inuit erseqqissassavarput, una oqaluuserisaq aamma attuumassuteqarmat immikkoortumut 110'mut; tassa Ilisimatusarnermut siunnersuisarneq ilisimatusarnermullu aningaasaliisarneq pillugit Inatsisartut inatsisissaattut siunnersuummut.

Tassani Partii Inuit erseqqissaatigereerpaat pisariaqarmat qinikkat tungaannit (naalakkersuisut/inatsisartut/partiit) erseqqissaanissaq – *inuiaqatigiinni pisariaqartitat unammilligassallu annertuut* suussusilernissaat eqqarsaatigalugit.

Kiisalu Nunatsinni Ilisimatusarnermut Siunnersuisoqatigiit pissaanermik assut annertuumik tigummisaqalersussaanera tunngavigalugu nalilersuigaanni, pissusissamisoortoq

siunnersuisoqatigiit pilersinneqartussat inuttalersorneqarnerat qitiusumik isigniassallugu.  
Siunnersuummi oqaatigineqarpoq suliffeqarfiit, ilisimatusarnermi qitiusut pingaarutillillu tamarmik,  
kiisalu aallarnisaanermik nutaaliornermillu ingerlatsisut, siunnersuisoqatigiinni aallartitaqarnissaat

Partii Inuit taama oqaaseqarluta immikkoortup aappassaaneerneqannginnerani innersuussutigaarput,  
Nunanut Allanut Sillimaniarnermullu Ataatsimiititami kiisalu Kultureqarnermut,  
Ilinniartitaanermut, Ilisimatusarnermut Ilageeqarnermullu Ataatsimiititami qaqqeqqaarneqarnissaa,  
isumaliutissiisoqarnissaa siunertaralugu.